

কলেজ শিক্ষা উন্নয়নে ১০ কোটি ডলার দিচ্ছে বিশ্বব্যাংক চুক্তি স্বাক্ষর বৃহস্পতিবার

যুগান্তর রিপোর্ট

দেশের কলেজ শিক্ষার উন্নয়নে ১০ কোটি মার্কিন ডলার দিচ্ছে বিশ্বব্যাংক। এজন্য সরকার ও সংস্থাটির মধ্যে একটি চুক্তি স্বাক্ষরিত হতে যাচ্ছে। বৃহস্পতিবার রাজধানীর শেরেবাংলা নগরের এনইসি সম্মেলন কক্ষে চুক্তিতে স্বাক্ষর করবেন অর্থনৈতিক সম্পর্ক বিভাগের অতিরিক্ত সচিব কাজী শফিকুল আযম এবং বিশ্বব্যাংকের ভারপ্রাপ্ত আবাসিক প্রধান জাহিদ হোসেন। অর্থনৈতিক সম্পর্ক বিভাগ (ইআরডি) ও বিশ্বব্যাংক সূত্রে এ তথ্য জানা গেছে। বিশ্বব্যাংকের ঢাকা অফিসের দায়িত্বশীল কর্মকর্তা ফারিয়া সেলিম চুক্তি স্বাক্ষরের বিষয়টি নিশ্চিত করেছেন। তিনি বলেন, এটি আইডিএ ঋণ। সুতরাং এক্ষেত্রে সুদের হার যা হওয়ার পেরকমই হবে। সূত্র জানায়, বিশ্বব্যাংকের সহজ শর্তে দেয়া এ ঋণ পরিশোধে ৩৮ বছর সময় পাবে বাংলাদেশ সরকার। এর মধ্যে রেয়াতকাল

ধরা হয়েছে ৬ বছর। রেয়াতকাল-পরবর্তী সময়ে শূন্য দশমিক ৭৫ শতাংশ হারে সার্ভিস চার্জ পরিশোধ করতে হবে। বিশ্বব্যাংকের এ অর্থ কলেজ এক্সকেশন ডেভেলপমেন্ট প্রজেক্ট (সিইডিপি) বাস্তবায়নে ব্যয় করা হবে।